



Fondacija tuzlanske zajednice

**Vitalni znaci 2019**

Konsultacije sa građanima

**Razgovor sa članovima Odbora Omladinske banke Lukavac**



## Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

## Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

## Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



**Datum: 06. august 2019.**

**Oblasti za diskusiju: Zdravlje i rekreacija, te Kultura i umjetnost**

**U saradnji sa: Omladinska banka Lukavac**

**Lokacija: Kamp Omladinske banke**

**Broj učesnika: 5**

## **Sažetak diskusije:**

Zbog značaja ovih tema i interesa koji za njih vlada u zajednici, diskusija je urađena sa mladim ljudima iz općine Lukavac koje su članovi Omladinske banke Lukavac.

S obzirom da su učesnici predstavljali mlade ljude koji se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti "Zdravlje i rekreacija" zabrinjavajuća, te da situacija zahtijeva ozbiljnu društvenu reakciju.

Predstavnici Odbora Omladinske banke Lukavac su se izjasnili da je "zdrava", "vitalna" zajednica u okviru oblasti "Zdravlje i rekreacija" mjesto koje ima čist zrak i pitku vodu, izgrađene biciklističke staze, veliki broj sportskih aktivnosti i klubova, razne edukacije.

Ono što je dobro u zajednici u oblasti "Zdravlje i rekreacija" je veliki broj sportskih udruženja za mlade.

Ono što treba poboljšati u zajednicama na području općine Lukavac je revidiranje budžeta za zdravstvenu zaštitu građanja, lakši pristup lijekovima, uvođenje obavezne zdravstvene edukacije, razvoj pčelarstva.

Za oblast "Kultura i umjetnost", većina učesnika se izjasnila da je stanje u ovoj oblasti zadovoljavajuće, te je potrebno uložiti napor da se situacija održi ili poboljša.

Kada govorimo o ovoj oblasti mladi su se izjasnili da "zdrava", "vitalna" zajednica treba da ima svakodnevne kulturne događaje, veliki angažman mladih ljudi u polju kulture, jeftinu i pristupačnu cijenu ulaza na kulturno umjetničke događaje.

Ono što je dobro u općini Lukavac je to da postoji veliki broj kulturnoumjetničkih društava, godišnje se organizuju brojne kulturne manifestacije i sajmovi, kolonija likovnih radova.

Treba poboljšati promociju događaja, veće interesovanje građana, veće uključivanje mladih.



## Zdravlje i rekreacija

Članovi Omladinske banke Lukavac su rekli

**Kako izgleda „zdrava“, „vitalna“ zajednica?**

- Lijekovi se ne plaćaju,
- Veliki broj sportskih progama,
- Izgrađene biciklističke staze,

**Šta dobro funkcioniše u vašoj zajednici?**

- Veliki broj zelenih površina,
- Sportska udruženja

**Šta se može poboljšati u zajednici?**

- Revidiran budžet za lijekove
- Razvijanje pčelarstva
- Uvođenje zdravstvene edukacije,

## Kultura i umjetnost

Članovi Omladinske banke Lukavac su rekli

**Kako izgleda „zdrava“, „vitalna“ zajednica?**

- Svakodnevni kulturni događaji,
- Visoka zainteresovanost građana za kulturne i umjetničke manifestacije,
- Pristupačne cijene za prisustvo manifestacijam

**Šta dobro funkcioniše u vašoj zajednici?**

- Folklor i KUD-ovi,
- Izložbe likovnih radova,
- Veliki broj sajмова u toku godine

**Šta se može poboljšati u zajednici?**

- Veći diverzitet sadržaja,
- Bolja promocija sadržaja,
- Veća stimulacija za učešće u aktivnostima



## **Šta ja mogu uraditi da dopinesem izgradnji zdravije i bolje zajednice?**

- širim pozitivne priče iz svoje okoline
- aktivno učestvujem u ekološkim akcijama (npr. odvajanje otpada)
- sa vršnjacima razgovaram o prilikama mladih u društvu
- vršim selekciju otpada